

NAQQIUT

Inatsisartut inatsisisaattut siunnersuut 12. august 2016-imeersoq taarsissavaa

(Inatsisisatut siunnersuutip kalaallisoortaani ataasiakkaanik naqqisoqarpoq kiisalu kalaallisut quequtaa allanngortinneqarluni. Inatsisisatut siunnersuummi § 1, imm. 3, allanngortinneqarpoq aalajangiunniarlugu, pinngitsoorani soraernerussutisiaqarnissamut aaqqissuussineq aningaaseriviit ilaanni pilersinnejarsinnaasoq. Naggataatigut inatsisisatut siunnersuummi § 4-mi allannguuteqartoqarpoq, inatsimmut atuuttumut innersuussinerit eqqortut ilangunneqarlutik)

Uunga siunnersuut: Soraernerussutisiaqarnissamut aaqqissuussinerut pinngitsoorani ilaanissaq pillugu Inatsisartut inatsisaat nr. xx, xx 2016-imeersoq

§ 1. Inuk 18-ileereersimasoq Kalaallillu Nunaannut tamakkiisumik akileraartussaatitaasoq utoqqalinersiaqarneq pillugu Inatsisartut inatsisaanni § 1 naapertorlugu soraarninngornissani tikillugu soraernerussutisiaqarnissamut aaqqissuussinerut akiliisassaaq.

Imm. 2. Akiliisarneq kingusinnerpaamik aallartinneqassaaq ukiumi aningaasarsiorfiusumi inuup 18-inik ukioqalerfiata tulliani, ukiumilu aningaasarsiorfiusumi pineqartup soraarninngorfissaa nallerpat unitsinnejarsinnaalluni.

Imm. 3. Soraernerussutisiaqarnissamut aaqqissuussineq soraernerussutisiaqarnissamut aningaasaateqarfimmi, sillimmasiisarnermik ingerlatsineq pillugu inatsimmi pineqartumi inuu-nermut soraernerussutisiaqarnissamulluunniit sillimmasiisarfimmi Finanstilsynimit akuersissummik peqarluni sillimmasiisarnermik ingerlatsisumi pilersinnejarsimassaaq imaluunniit aningaaserivimmi, Kalaallit Nunaanni angerlarsimaffeqartumi imaluunniit aalajangersimasumik ingerlatsiveqartumi kiisalu maani nunami aningaaserivimmik ingerlatsisinjaanissamut Finanstilsynet-imit akuersissuteqartumi.

§ 2. Inuup soraernerussutisiaqarnissamut aaqqissuussinerut ukiumi aningaasarsiorfiusumi akiliutit, ileqqaarnissamut tunngavissat 150.000 kr.-iuppata amerlaneruppataluunniit ileqqaarnissamut tunngavissat 4 procentiinit ikinnerussanngillat. Ileqqaarnissamut tunngavissat tas-ssaapput inuup aningaasarsiai A-t B-llu tamarmiusut aningaasanik, aningaasarsianit akileraarutit pillugit Inatsisartut inatsisaanni § 41, imm. 2 naapertorlugu aningaasarsianut akileraarute-qataasussanuit ilangunneqartussaanngitsunik ilasat, taamaattorli tak. § 4.

Imm. 2. Kisitsit imm. 1-imik taaneqartoq piffissami 2019-imiit 2024-mut ukiumut 1 procentimik qaffattassaaq, kisitsit taamaalilluni 2024-mi 10 procentinngussalluni.

Imm. 3. Imm. 1-imik aalajangersagaq apeqqutaatinnagu inuup soraernerussutisiaqarnissamut aaqqissuussinerminut akiliutai, sinneqartoorutit 150.000 kr.-iuppata amerlaneruppataluunniit, namminersorluni inuussutissarsiummik ingerlatsinikkut sinneqartoorutaasa akileraaruteqaa-taasussat 2 procentiinit ikinnerussanngillat.

Imm. 4. Kisitsit imm. 3-mi taaneqartoq piffissami 2019-imiit 2022-mut ukiumut 1 procentimik qaffattassaaq, kisitsit taamaalilluni 2022-mi 6 procentinngussalluni.

§ 3. Kisitsit § 2, imm. 1 naapertorlugu atuuttoq inuit ileqqaarnissamut tunngavissaat 100.000 kr.-iuppata kisitsit 0 procentimiit, inuit ileqqaarnissamut tunngavissaat 150.000 kr.-iuppata kisitsit 100 procentimut assigiaamik qaffakkiartuaassaaq.

Imm. 2. Kisitsit § 2, imm. 3 naapertorlugu atuuttoq inuit sinneqartoorutaat 100.000 kr.-iuupata kisitsit 0 procentimiit, inuit sinneqartoorutaat 150.000 kr.-iuppata kisitsit 100 procentimut assigiaamik qaffakkiartuaassaaq.

§ 4. Ileqqaarnissamut tunngavissanik naatsorsuinermi makku naapertorlugit tunniunneqartartut ilanngunneqassanngillat:

- 1) Kalaallit Nunaanni Namminersornerullutik Oqartussani kommuninilu tjenestemandit pillugit Inatsisartut inatsisaat,
- 2) Tjenestemandit Inatsisartut suliffeqarfiiini atorfillit pillugit Inatsisartut inatsisaat,
- 3) Naalagaaffimmik tjenestemanditut atorfillit Kalaallit Nunaanniittut pillugit inatsisaat,
- 4) Inuit annertuumik innarluutillit ikiorserneqartarnerat pillugu Inatsisartut peqqussutaat,
- 5) Meeqqanut tapiissutit pillugit Inatsisartut inatsisaat,
- 6) Meeqqanik inuusuttunillu ikiorsiisarneq pillugu Inatsisartut peqqussutaat,
- 7) Pisortanit ikiorsiissutit pillugit Inatsisartut peqqussutaat,
- 8) Utoqqalinermi pensionisiat pillugit Inatsisartut inatsisaat,
- 9) Siusinaartumik pensionisiat pillugit Inatsisartut inatsisaat,
- 10) Inissiani attartukkani ineqarnermut tapiissutit pillugit Inatsisartut inatsisaat, aamma
- 11) Ilinniagaqarnersiutit pillugit Inatsisartut inatsisaat.

Imm. 2. Ileqqaarnissamut tunngavissanik naatsorsuinermi makku aamma ilanngunneqassanngillat:

- 1) meeqqanut akilersuutit, inuup angajoqqaavinit pisortanilluunniit akilerneqartussat, aamma
- 2) pensionisiatut tunniunneqartut allat, Utoqqalinersiaqarneq pillugu Inatsisartut inatsisaanni pineqartunut ilaangngitsut.

§ 5. Soraarnerussutisiaqarnissamut aaqqissuussinermut akiliutit, aningaasarsianut akileraaruteqaataasussanut ilanngunneqartussat imaluunniit akiliutit, aningaasarsianit akileraaruteqaaataussanit ilanngaatigineqarsinnaannngitsut ileqqaakkat § 2-mi taaneqartutut naatsorsornerani akileraarutit ilanngaatigineqartinnagit amerlassusiinut naatsorsoqqinnejassapput.

§ 6. Kialuunniit, akileraaruserinerterik ingerlatsineq pillugu Inatsisartut inatsisaanni § 30 a, imm. 1-imi pineqanngitsumik pissuteqarluni soraarnerussutisiaqarnissamut aaqqissuussinernut akiliuteqarsimasup, ukiumi aningaasarsiorfiusumi qaangiuttumi akiliutaasimasut kingusinnerpaamik 1. maj akileraaruseriffimmut nalunaarutigisassavai.

§ 7. Akileraaruseriffik, inuup soraarnerussutisiaqarnissamut aaqqissuussinieranut akiliutissat minnerpaaffissaannik § 2-mi taaneqartunik ukiumi aningaasarsiorfiusumi qaangiuttumi akiliisoqarsimanera paasiniarlugu 31. august nallertinnagu naatsorsuissaq.

Imm. 2. Inuup soraarnerussutisiaqarnissamut aaqqissuussinieranut akiliutissat minnerpaaffissaat inorlugu akiliisoqarsimanera naatsorsuinerup takutippagu, nikingassut 1.000 kr.-init angineruppat akileraaruseriffiup inuk qinmuigissavaa taanna inuup soraarnerussutisiaqarnissamut aaqqissuussinieranut sap.ak. 4-t qaangiutsinnagit akileeqquullugu, akiliinerlu akileraaruseriffimmut upternarsaqquullugu.

Imm. 3. Imm. 2-mi piffissaliussaq qaangerneqarpat akileraaruseriffik skattekortimik nutaa-
mik skattebilletsinilluunniit nutaanik sanasinnaavoq, nikingassut procentimut akileraarutissa-
mut tapiliussatut akiligassiissutigalugu. Tapiliussaq annerpaamik tassaassaaq procentit § 2
naapertorlugu atuuttut.

Imm. 4. Akileraaruseriffiup tapiliussaq, tak. imm. 3, akilerneqartoq inuup soraarnerussutisi-
aqarnissamut aaqqissuussineranut ingerlateqqissavaa.

Imm. 5. Inuup soraarnerussutisiaqarnissamut aaqqissuussinermik atuuttumik peqarnera aki-
leraaruseriffimmit ilisimaneqanngippat, akileraaruseriffiup pineqartoq soraarnerussutisiaqar-
nissamut aaqqissuussinermik pilersitsissussinnaavaa, tak. § 8.

§ 8. Naalakkersuisut piginnaatinneqarput soraarnerussutisiaqarnissamut aaqqissuussinernik
akileraaruseriffiup § 7, imm. 5 naapertorlugu pilersitaanik isumaginninnissaq pillugu, soraar-
nerussutisiaqarnissamut aningaasaateqarfimmut, sillimmasiisarnermk ingerlatsineq pillugu
inatsimmi pineqartumut, imaluunniit inuunermut soraarnerussutisiaqarnissamulluunniit sillim-
masiisarfimmut Finanstilsynimit akuersisummik peqarluni sillimmasiisarnermk ingerlatsisu-
mut isumaqatigiissuteqarnissamut.

§ 9. Inatsisartut inatsisaat 1. januar 2018-imi atortuulissaq.

Namminersorlutik Oqartussat, ulloq xx. xxxx 2016

Kim Kielsen